

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренијски савјет

Rješenje

Prijava koncentracije privrednog subjekta Bingo d.o.o. export-import Tuzla

Sarajevo
juni, 2015. godine



Broj: 05-26-1-049-8 -II/14
Sarajevo, 25.06.2015. godine

Konkurencijsko vijeće Bosne i Hercegovine, na osnovu člana 25. stav (1) tačka e), člana 42. stav (1) tačka d), a u vezi sa čl. 12., 14., 16. i 18. Zakona o konkurenciji („Službeni glasnik BiH“, br. 48/05, 76/07 i 80/09), rješavajući po Prijavi koncentracije privrednog subjekta Bingo d.o.o. export-import Tuzla, Bosanska poljana bb, 75 000 Tuzla, podnesenoj putem advokata Dine Duraković Morankić, Kralja Tvrtka 6, 71 000 Sarajevo, zaprimljenoj dana 30.12.2014. godine pod brojem: 05-26-1-049-II/14, na 106. (stotinušestoj) sjednici održanoj dana 25.06.2015. godine, donijelo je

R J E Š E N J E

1. Ocjenjuje se dopuštenom koncentracija na tržištu trgovine na malo prehrambenim proizvodima i robom široke potrošnje u Bosni i Hercegovini, koja će nastati sticanjem kontrole privrednog subjekta Bingo d.o.o. export-import Tuzla, Bosanska poljana bb, 75 000 Tuzla, kupovinom 6 maloprodajnih objekata privrednog subjekta Društvo sa ograničenom odgovornošću „TUŠ“ d.o.o. Bihać, Plješevića bb, Kamenica, 77 000 Bihać u Tuzli, Sanskom Mostu, Prnjavoru, Ugljeviku, Mostaru i Istočnom Sarajevu.
2. Ovo Rješenje o koncentraciji se upisuje u Registar koncentracija.
3. Ovo Rješenje je konačno i bit će objavljeno u „Službenom glasniku BiH“, službenim glasilima entiteta i Brčko distrikta Bosne i Hercegovine.

Obrazloženje

Konkurencijsko vijeće Bosne i Hercegovine (u daljem tekstu: Konkurencijsko vijeće) je zaprimilo dana 30.12.2014. godine pod brojem: 05-26-1-049-II/14, Prijavu koncentracije (u daljem tekstu: Prijava), podnesenu putem advokata Dine Duraković Morankić, Kralja Tvrtka 6, 71 000 Sarajevo (na osnovu punomoći izdate dana 26.12.2014. godine u Tuzli), po kojoj privredni subjekt Bingo d.o.o. export-import Tuzla, Bosanska poljana bb, 75 000 Tuzla (u daljem tekstu: Podnosilac prijave ili Bingo Tuzla) namjerava kupiti od privrednog subjekta „TUŠ“ d.o.o. Bihać, Plješevića bb, Kamenica, 77 000 Bihać (u daljem tekstu: TUŠ Bihać) 6 maloprodajnih objekata u Tuzli, Sanskom Mostu, Prnjavoru, Ugljeviku, Mostaru i Istočnom Sarajevu.

Prijava je dopunjena podneskom broj: 05-26-1-049-1-II/14 dana 08.01.2015. godine.

Konkurencijsko vijeće je, u skladu sa članom 16. stav (4) Zakona o konkurenciji (u daljem tekstu: Zakon), dana 08.06.2015. godine objavilo u dnevnim novinama Obavještenje o dostavljenoj Prijavi (akt broj: 05-26-1-049-4-II/14), u kojem su objavljeni podaci o namjeravanoj koncentraciji, te su pozvane sve zainteresovane strane na dostavljanje pisanih komentara u vezi provođenja iste. Na predmetno Obavještenje **su/ nisu** dostavljeni komentari.

Nakon kompletiranja Prijave Konkurencijsko vijeće je izdalo Potvrdu o kompletnoj i urednoj prijavi, u smislu člana 30. stav (3) Zakona o konkurenciji (u daljem tekstu: Zakon), aktom broj: 05-26-1-049-6-II/14 dana 25.06.2015. godine.

Podnosilac prijave je naveo, u skladu s članom 30. stav (2) Zakona, da Prijavu nije podnio niti ima namjeru podnijeti ovlaštenim tijelima za ocjenu koncentracije izvan teritorije Bosne i Hercegovine.

Konkurencijsko vijeće je u postupku ocjene dopuštenosti predmetne koncentracije utvrdilo slijedeće činjenice:

Prijava je podnesena u smislu člana 16. stav (2) Zakona.

1. Učesnici koncentracije

Učesnici predmetne koncentracije su privredni subjekt Bingo d.o.o. export-import Tuzla, Bosanska poljana bb, 75 000 Tuzla i privredni subjekt Društvo sa ograničenom odgovornošću „TUŠ“ d.o.o. Bihać, Plješevića bb, Kamenica, 77 000 Bihać.

1.1. Privredni subjekt „Bingo“ Tuzla d.o.o. Tuzla

Privredni subjekt Bingo d.o.o. export-import Tuzla, Bosanska poljana bb, 75 000 Tuzla, je registrovan u sudskom registru Općinskog suda u Tuzli pod brojem: 1-5356 (JIB 420925345000), sa upisanim kapitalom od 5.587.884,00 KM, i sa 100,00% vlasničkih udjela fizičkog lica Senada Džambića, (..)**¹.

Osnovne registrovane djelatnosti privrednog subjekta „Bingo“ Tuzla su trgovina na malo prehrambenim proizvodima i robom široke potrošnje, ugostiteljstvo, proizvodnja (konzumna jaja).

Privredni subjekt „Bingo“ Tuzla ima 99 maloprodajnih objekata, kao i 4 specijalizirane prodavnice (za prodaju odjeće robne marke „S Oliver“ i proizvoda marke „Carpisa“) u Bosni i Hercegovini.

1.1.1. Povezana društva privrednog subjekta „Bingo“ Tuzla

Privredni subjekt „Bingo“ Tuzla (i njegov vlasnik fizičko lice Senad Džambić) imaju vlasničke udjele u privrednom subjektu:

- **Društvo sa ograničenom odgovornošću „HERMETIČKI KOMPRESORI“ d.o.o. Mostar**, put M 17 broj 5, 88 000 Mostar, registrovano u Općinskom sudu Mostar pod brojem : 1-542 (JIB 4227282370009), sa 100,00% vlasničkih udjela privrednog subjekta Bingo – osnovne registrovane djelatnosti: proizvodnja opreme, mašina, uređaja i alata od metala i čelika, mašinska obrada metala i čelika – ukupan prihod u 2013. godini je iznosio 2.644.596,00 KM;
- **„Wilson“ društvo za kupovinu, prodaju, iznajmljivanje, promet i upravljanje nekretninama d.o.o. Sarajevo**, Džemala Bijedića 123, 71 000 Sarajevo, je registrovano u Općinskom sudu Sarajevo pod brojem: 65-01-0454-08 (JIB: 4201379240003), sa 100,00% vlasničkih udjela privrednog subjekta Bingo - osnovne registrovane djelatnosti su kupovina i prodaja nekretnina - ukupan prihod u 2013. godini je iznosio 882.722,00 KM;
- **„BINGO MIP“ d.o.o. Čitluk**, Gospodarska zona, Tromeda bb, 88 260 Čitluk, je registrovano u Općinskom sudu Mostar pod brojem: 58-01-0083-14 (JIB: 4227834320001), sa 100,00% vlasničkih udjela privrednog subjekta Bingo - osnovne registrovane djelatnosti su iznajmljivanje i upravljanje vlastitim nekretninama ili nekretninama uzetim u zakup - ukupan prihod u 2013. godini je iznosio 0,0 KM;

¹ (..)** podaci predstavljaju poslovnu tajnu

- **Dioničko društvo „Majevica“ Srebrenik**, Hazima Vikala bb, 75 350 Srebrenik , je registrovan u sudskom registru Općinskog suda u Tuzli pod brojem: 1-17 (JIB: 4209392900005), sa 34,95% vlasničkih udjela privrednog subjekta Bingo - osnovne registrovane djelatnosti su prerada i konzerviranje krompira - ukupan prihod u 2013. godini je iznosio 2.926.247,00 KM;
- **Dioničko društvo „Tuzla-remont“ Tuzla**, Armije BiH 8, 75 000 Tuzla, je registrovan u sudskom registru Općinskog suda u Tuzli pod brojem: 1-135 (JIB: 4209102590008), sa 50,5939% vlasničkih udjela privrednog subjekta Bingo - osnovne registrovane djelatnosti su održavanje i popravak motornih vozila - ukupan prihod u 2013. godini je iznosio 80.952,00 KM;
- **„Kaletex“ društvo sa ograničenom odgovornošću kalesija Kalesija, Senada Hodžića bb, 75 260 Kalesija**, je registrovano u sudskom registru Općinskog suda u Tuzli pod brojem:1-6371 (JIB: 4209172610006), sa 99,54% vlasničkih udjela privrednog subjekta Bingo - osnovna registrovana djelatnost je proizvodnja odjeće - ukupan prihod u iznosio 2013. godini je 794.230,00 KM;
- **„Autosaobraćaj“ d.o.o. Tuzla**, Bosanska poljana bb, Šićki brod, 75 000 Tuzla, je registrovan u sudskom registru Općinskog suda u Tuzli pod brojem: 1-280 (JIB: 4209380560004), sa 87,7997% vlasničkih udjela privrednog subjekta Bingo - osnovna registrovana djelatnost je cestovni prevoz robe - ukupan prihod u 2013. godini je iznosio 1.826.175,00 KM;
- **„Kvin“ d.o.o. Tuzla**, Mitra Trifunovića 2., 75 000 Tuzla, je registrovan u sudskom registru Općinskog suda u Tuzli pod brojem: 1-315 (JIB: 4209035620002) sa 23,7554% vlasničkih udjela privrednog subjekta Bingo i 67,0794% vlasničkih udjela fizičkog lica Senada Džambića - osnovna registrovana djelatnost je proizvodnja destilovanih alkoholnih pića - ukupan prihod u 2013. godini je iznosio 73.085.00 KM;
- **„Trgovina na veliko i malo“ d.o.o. Kalesija**, Senada Hodžića Mehdina bb, 75 260 Kalesija, je registrovan u sudskom registru Općinskog suda u Tuzli pod brojem: 1-1248 (JIB: 4209302920002), sa 14,8287% vlasničkih udjela privrednog subjekta Bingo i 35,596% vlasničkih udjela fizičkog lica Senada Džambića - osnovne registrovane djelatnosti su iznajmljivanje i upravljanje vlastitim nekretninama ili nekretninama uzetim u zakup - ukupan prihod u 2013. godini je iznosio 147.267,00 KM;
- **„Transservis“ – trgovina“ d.o.o. za vanjski i unutarnji promet na veliko i malo motornih vozil, rezervnih dijelova i obavljanje špediterskih poslova Tuzla**, Autobaza bukinje, bb, 75 000 Tuzla, je registrovan u sudskom registru Općinskog suda u Tuzli pod brojem: 1-266 (JIB: 4209085640004), sa 42,7485% vlasničkih udjela privrednog subjekta Bingo - osnovne registrovane djelatnosti su trgovina na veliko dijelovima i priborom za motorna vozila - ukupan prihod u 2013. godini je iznosio 3.943,00 KM;
- **„Eko život“ d.o.o. za postupanje sa ambalažnim otpadom Tuzla, Bosanska poljana bb, 75 000 Tuzla**, je registrovan u sudskom registru Općinskog suda u Tuzli pod brojem: 32-01-0113-13 (JIB: 4210105960009), sa 30,0% vlasničkih udjela privrednog subjekta Bingo - osnovna registrovana djelatnost je sakupljanje neopasnog otpada - ukupan prihod u 2013. godini je iznosio 0,0 KM.

Prema navodima iz Prijave, niti jedan od navedenih privrednih subjekata se ne bavi trgovinom na malo prehrambenim proizvodima i robom široke potrošnje.

2. Privredni subjekt „TUŠ“ d.o.o. Bihać

Privredni subjekt Društvo sa ograničenom odgovornošću „TUŠ“ d.o.o. Bihać, Plješevička bb, Kamenica, 77 000 Bihać, je registrovan u sudskom registru Općinskog suda u Bihaću pod matičnim brojem: 1-578-00, sa upisanim osnovnim kapitalom 20.002.000,00 KM, i sa 100,00% vlasničkih udjela privrednog subjekta TUŠ Nepremečine d.o.o. Celje, Resljeva ulica 16, 3000 Celje, Republika Slovenija (matični broj: 2244764000), sa 100,00 vlasničkih udjela privrednog subjekta ENGROTUŠ, podjetje za trgovino d.d. Celje, Cesta v Trnovlje 10a, 3000 Celje, Republika Slovenija, u kojem 100,00% vlasničkih udjela posjeduje privredni subjekat

TUŠ HOLDING, upravljanje družb in naložb, Resljeva ulica 16, 3000 Celje (matični broj: 2244748000), u kome fizičko lice Mirko Tuš, Republika Slovenija ima 100,00% vlasničkih udjela.

Osnovna registrovana djelatnost privrednog subjekta „TUŠ“ Bihać je upravljanje nekretninama u kojima se nalaze maloprodajni objekti TUŠ grupacije (ukupno 13 maloprodajnih objekata – 10 u vlasništvu i 3 u zakupu).

Privredni subjekt „TUŠ“ Bihać i privredni subjekat „TUŠ-TRADE“ društvo sa ograničenom odgovornošću za trgovinu i usluge Bihać, Plješevička 157, Kamenica, 77 000 Bihać je u sastavu TUŠ grupacije.

2.1. Privredni subjekt „TUŠ TRADE“ Bihać

Privredni subjekt „TUŠ-TRADE“ društvo sa ograničenom odgovornošću za trgovinu i usluge Bihać, Plješevička 157, Kamenica, 77 000 Bihać (u daljem tekstu: „TUŠ TRADE“ Bihać), je registrovan u sudskom registru Općinskog suda u Bihaću pod matičnim brojem: 65-01-0064-07 (JIB: 42012746540001), sa osnovnim kapitalom 2.000,00 KM, i sa 100,00% vlasničkih udjela privrednog subjekta ENGROTUŠ, podjetje za trgovinu d.d. Celje, Cesta v Trnovlje 10a, 3000 Celje, Republika Slovenija (matični broj: 5494516000 - osnovne registrovane djelatnosti su maloprodaja i veleprodajom u vlastitim prodajnim centrima i iznajmljivanje poslovnih prostora).

Osnovne registrovane djelatnosti privrednog subjekta „TUŠ TRADE“ Bihać su trgovina na malo prehrambenim proizvodima i robom široke potrošnje koje je obavljao u 13 maloprodajnih objekata (Tuzla, Sanski Most, Prnjavor, Mostar, Ugljevik, Modriča, Doboj, Bosanski Brod, Bihać, Istočno Sarajevo, Sarajevo, Bijeljina i Brčko).

Privredni subjekt „TUŠ“ Bihać i privredni subjekt „TUŠ TRADE“ Bihać nemaju vlasničke udjele u drugim privrednim subjektima u Bosni i Hercegovini.

3. Obaveza prijave koncentracije

Obaveza prijave koncentracije privrednih subjekata, u smislu člana 14. stav (1) tačke a) i b) Zakona, postoji ako ukupni godišnji prihodi učesnika koncentracije ostvareni prodajom roba i/ili usluga na svjetskom tržištu iznose 100.000.000,00 KM, po završnom računu u godini koja je prethodila predmetnoj koncentraciji, i da ukupan prihod svakog od najmanje dva privredna subjekta učesnika koncentracije ostvaren prodajom roba i/ili usluga na tržištu Bosne i Hercegovine iznosi najmanje 8.000.000,00 KM, ili ako je zajednički tržišni udio učesnika koncentracije na relevantnom tržištu veći od 40,0%.

Ukupni godišnji prihodi privrednih subjekata učesnika koncentracije (i njihovih povezanih privrednih subjekata), na dan 31. decembar 2013. godine:

Tabela 1.

KM	Bingo Tuzla	TUŠ grupacija	TUŠ TRADE Bihać (maloprodajni objekti predmet koncentracije)
	Bingo Tuzla (povezana društva*)		
Svijet	(..)**	(..)**	(..)**
Bosna i Hercegovina	(..)**	(..)**	(..)**
	(..)**		

Izvor: podaci iz Prijave; *ukupni prihodi povezanih društava navedeni pod tačkom 1.1.1.; ** prihodi koje su ostvarili privredni subjekti „TUŠ“ Bihać (9.408.214,00 KM) i TUŠ TRADE (..)** KM); ***prihod ostvario privredni subjekt „TUŠ TRADE“ Bihać u objektima koji su predmet koncentracije

Godišnji prihodi učesnika koncentracije predstavljaju ukupne prihode (bez poreza na dodanu vrijednost i drugih poreza koji se direktno odnose na učesnike koncentracije na tržištu Bosne i

Hercegovine), u smislu člana 9. tačka h) Odluke o načinu podnošenja prijave i kriterijima za ocjenu koncentracija privrednih subjekata.

Budući da se predmetna koncentracija odnosi na kupovinu dijelova jednog privrednog subjekata, te bez obzira da li ti dijelovi imaju status pravnog lica, pri izračunavanju prihoda obračunavat će se samo prihodi onih dijelova privrednog subjekta koji su predmet kontrole koncentracije, u smislu člana 14. stav (3) Zakona.

Ukupni prihodi po maloprodajnim objektima privrednog subjekta "TUŠ TRADE" Bihać u 2013. godini, koji su predmet koncentracije:

Tabela 2.

R.b.	Maloprodajni objekti	Ukupan prihod KM
1.	Tuzla	(..)**
2.	Sanski Most	(..)**
3.	Prnjavor	(..)**
4.	Mostar	(..)**
5.	Istočno Sarajevo	(..)**
6.	Ugljevik	(..)**
	UKUPNO	(..)**

Izvor: podaci iz Prijave

Prema navedenim podacima (Tabele 1. i 2.) privredni subjekti učesnici koncentracije ispunjavaju uslove ukupnog godišnjeg prihoda, iz člana 14. stav (1) Zakona.

4. Pravni osnov i pravni oblik koncentracije

Kao pravni osnov koncentracije Podnosilac prijave je dostavio, u smislu člana 30. stav (1) tačka a) Zakona i člana 9. tačka f) alineja 5. Odluke o načinu podnošenja prijave i kriterijima za ocjenu koncentracija privrednih subjekata („Službeni glasnik BiH“, broj 34/10), Pismo namjere, potpisano dana 29.12.2014. godine između fizičkog lica Senada Džambića, vlasnika privrednog subjekta „Bingo“ d.o.o. Tuzla i fizičkog lica Branka Cokana, direktora privrednog subjekta „TUŠ“ d.o.o. Bihać.

U skladu sa Pismom namjere, privredni subjekt "Bingo" Tuzla namjerava od privrednog subjekta „TUŠ“ Bihać kupiti maloprodajne objekte:

- u Mostaru - površina 2.646 m² - zemljoknjižni uložak broj 413 K.O. SP Mostar;
- u Istočnom Sarajevu - površina 4.952 m² - zemljoknjižni uložak broj: 9583 K.O. SP Gornji Butmir;
- u Ugljeviku - površina 1.599 m² - zemljoknjižni uložak broj: 945 K.O. Zabrdje
- u Prnjavoru - površina 1.754 m² - zemljoknjižni uložak broj: 1867 i 1868 K.O. Prnjavor
- u Sanskom Mostu - površina 1.657 m² - zemljoknjižni uložak broj: 19 K.O. Sanski Most II;
- u Tuzli - površina 1.807 m² - zemljoknjižni uložak broj: 222, K.O. SP Tuzla.

U Pismu namjere je navedeno da će svi uslovi kupoprodaje navedenih maloprodajnih objekata biti definisani Ugovorom o kupoprodaji zaključenim nakon dobijanja odobrenja Konkurencijskog vijeća.

Pravni oblik koncentracije smatra se kupovina dijelova privrednog subjekta "TUŠ" Bihać od strane privrednog subjekta „Bingo“ Tuzla, u smislu člana 12. stav (1) tačka a) Zakona.

5. Pravni okvir ocjene koncentracije

Konkurencijsko vijeće je u postupku ocjene koncentracije primijenilo odredbe Zakona, Odluke o utvrđivanju relevantnog tržišta («Službeni glasnik BiH», br. 18/06 i 34/10), te

Odluke o načinu podnošenja prijave i kriterijima za ocjenu koncentracija privrednih subjekata.

Konkurencijsko vijeće je, na osnovu člana 43. stav (7) Zakona, koristilo sudsku praksu Evropskog suda i odluke Evropske komisije, kao i kriterije i standarde iz Obavijesti Evropske Komisije o izračunavanju ukupnog prihoda u skladu s Uredbom Vijeća (EEZ) broj: 4064/89 o kontroli koncentracije privrednih subjekata.

6. Relevantno tržište koncentracije

Relevantno tržište koncentracije, u smislu člana 3. Zakona, te čl. 4. i 5. Odluke o utvrđivanju relevantnog tržišta, čini tržište određenih proizvoda/usluga koje su predmet obavljanja djelatnosti na određenom geografskom tržištu.

Prema odredbi člana 4. Odluke o utvrđivanju relevantnog tržišta u proizvodnom smislu, relevantno tržište obuhvata sve proizvode i/ili usluge koje potrošači i/ili korisnici smatraju međusobno zamjenjivim, pod prihvatljivim uslovima, imajući u vidu posebno njihove bitne karakteristike, kvalitet, uobičajenu namjenu, način upotrebe, uslove prodaje i cijene.

Prema članu 5. Odluke o utvrđivanju relevantnog tržišta, relevantno tržište u geografskom smislu obuhvata cjelokupnu ili dio teritorije Bosne i Hercegovine na kojoj privredni subjekt djeluje u prodaji i/ili kupovini relevantnog proizvoda pod jednakim ili dovoljno ujednačenim uslovima i koji to tržište bitno razlikuje od uslova tržišne konkurencije na susjednim geografskim tržištima.

Uzimajući u obzir pretežne registrovane djelatnosti učesnika koncentracije, relevantno tržište proizvoda i/ili usluga u konkretnom slučaju je tržište trgovine na malo prehrambenim proizvodima i robom široke potrošnje.

Obzirom da učesnici koncentracije imaju maloprodajne objekte u kojima obavljaju trgovinu na malo prehrambenim proizvodima i robom široke potrošnje na području cijele Bosne i Hercegovine, Konkurencijsko vijeće je utvrdilo da je relevantno tržište predmetne koncentracije u geografskom smislu tržište Bosne i Hercegovine.

Slijedom navedenog, pod relevantnim tržištem predmetne koncentracije smatrat će se tržište trgovine na malo prehrambenim proizvodima i robom široke potrošnje na teritoriji Bosne i Hercegovine.

U cilju utvrđivanja kompletnog djelovanja učesnika koncentracije Konkurencijsko vijeće je analiziralo i druga geografska tržišta - Federacije Bosne i Hercegovine /Republike Srpske, te tržišta općina /gradova Prnjavor, Sanski Most, Mostar, Ugljevik, Istočno Sarajevo i Tuzla.

6.1. Analiza tržišta koncentracije

Konkurencijsko vijeće za potrebe relevantne analize stanja tržišta u Bosni i Hercegovine, pored podataka dostavljenih od strane Podnosioca prijave, je koristilo i podatke iz rješenja Konkurencijskog vijeća o dopuštenosti koncentracije privrednog subjekta „Bingo“ Tuzla i privrednog subjekta C.D.E.B, Trgovačko društvo d.o.o. Sarajevo, Stupska bb, 71 000 Sarajevo (u daljem tekstu: Interex), broj: 02-26-1-027-14-II/14 od dana 13.11.2014. godine.

Tržišni udjeli učesnika koncentracije i glavnih konkurenata na relevantnom tržištu Bosne i Hercegovine u 2013. godini:

Tabela 3.

R.b.	Naziv privrednog subjekta	Tržišni udio%
1.	Konzum d.o.o. Sarajevo	14,22
2.	Bingo Tuzla	11,65

3.	Mercator BH d.o.o. Sarajevo	6,80
4.	FIS d.o.o. Vitez	5,79
5.	Interex Sarajevo	4,17
6.	Delhaize BH d.o.o. Banja Luka	3,20
7.	TUŠ TRADE Bihać	2,20
7a.	TUŠ TRADE Bihać (maloprodajni objekti predmet koncentracije)	0,76
8.	Moj Market d.o.o. Banja Luka	0,54
9.	Ostali	50,64
UKUPNO		100,00
Ukupno (2+5+7a)		16,57
Ukupan prihod na relevantnom tržištu F BiH		4.344.551.792,00

Izvor: podaci iz Prijave; podaci Konkurencijskog vijeća

Prema podacima (Tabele 3.) privredni subjekt "Bingo" Tuzla na relevantnom tržištu Bosne i Hercegovine ima udio 11,65%, privredni subjekt „Interex“ Sarajevo ima udio 4,17% dok privredni subjekt „TUŠ TRADE“ Bihać (šest maloprodajnih objekata koji su predmet koncentracije) ima udio 0,76%, te će njihov zajednički tržišni udio nakon provedene koncentracije iznositi 16,57%.

Tržišni udjeli učesnika koncentracije i glavnih konkurenata na relevantnom tržištu Federacije Bosne i Hercegovine, u 2013. godini:

Tabela 4.

R.b.	Naziv privrednog subjekta	Tržišni udio%
1.	Konzum d.o.o. Sarajevo	17,89
2.	Bingo Tuzla	15,43
3.	Mercator BH d.o.o. Sarajevo	11,79
4.	Interex Sarajevo	4,49
5.	Amko komerc d.o.o. Sarajevo	2,21
6.	TUŠ TRADE Bihać	2,29
6a.	TUŠ TRADE Bihać (maloprodajni objekti predmet koncentracije)	0,81
7.	Ostali	47,43
UKUPNO		100,00
Ukupno (2+4+6a.)		20,73
Ukupan prihod na relevantnom tržištu F BiH		2.455.699.322,00

Izvor: Podaci iz Prijave

Prema podacima (Tabele 4.) privredni subjekt "Bingo" Tuzla na relevantnom tržištu Federacije Bosne i Hercegovine ima udio 15,43%, privredni subjekt „Interex“ Sarajevo ima udio 4,49% dok privredni subjekt „TUŠ TRADE“ Bihać (tri maloprodajna objekta koji su predmet koncentracije - Tuzla, Mostar, Sanski Most) ima udio 0,81%, te će njihov zajednički tržišni udio nakon provedene koncentracije iznositi 20,73%.

Tržišni udjeli učesnika koncentracije i glavnih konkurenata na relevantnom tržištu Republike Srpske, u 2013. godini:

Tabela 5.

R.b.	Naziv privrednog subjekta	Tržišni udio%
1.	DELHAIZE d.o.o. BanjaLuka	8,50
2.	Mercator BL d.o.o. Banja Luka	5,74
3.	Interex Sarajevo	5,44
4.	Konzum d.o.o. Sarajevo	5,40
5.	Bingo Tuzla	4,69
6.	TUŠ TRADE Bihać	2,97
6a.	TUŠ TRADE Bihać (maloprodajni objekti predmet koncentracije)	0,77
7.	Ostali	66,49
UKUPNO		100,00
Ukupno (2+5+6a)		10,90
Ukupan prihod na relevantnom tržištu RS		1.637.132.881,6 KM

Izvor: Podaci iz Prijave

Prema podacima (Tabele 5.) privredni subjekt "Bingo" Tuzla na relevantnom tržištu Republike Srpske ima udio 4,69%, privredni subjekt Interex Sarajevo ima udio 5,44%, dok privredni subjekt „TUŠ TRADE“ Bihać (tri maloprodajna objekta koji su predmet koncentracije – Prnjavor, Istočno Sarajevo i Ugljevik) ima udio 0,77%, te će njihov zajednički tržišni udio nakon provedene koncentracije iznositi 10,90%.

Tabela 6.

R.b.	Naziv privrednog subjekta	Tržišni udio% Prnjavor	Tržišni udio% Sanski most	Tržišni udio% Mostar	Tržišni udio% Ugljevik	Tržišni udio% Istočno Sarajevo	Tržišni udio% Tuzla
1.	Bingo Tuzla	0,89	0,00	6,46	0,00	0,00	31,79
2.	TUŠ TRADE* Bihać	3,25	6,38	3,11	7,00	23,55	2,14
3.	Interex Sarajevo	0,00	3,82	3,63	0,00	0,00	2,36
4.	Ostali	95,86	89,79	86,79	93,00	76,45	63,70
	Ukupno	100,00	100,00	100,00	100,00	100,00	100,00
	Ukupno(1+2+3)	4,14	10,21	13,21	7,00	23,55	36,30

*maloprodajni objekti predmet koncentracije Izvor: podaci iz Prijave; analiza Konkurencijskog vijeća

Prema podacima (Tabela 6.) zajednički tržišni udio po općinama nakon provođenja koncentracije privrednog subjekta „Bingo“ Tuzla i privrednog subjekta "TUŠ TRADE" Bihać i privrednog subjekta "Interex" Sarajevo, je u rasponu od 4,14% u Prnjavoru, do 36,30% u Tuzli.

7. Ocjena koncentracije

Konkurencijsko vijeće analizom relevantnih podataka (Tabele 1-5.), u smislu člana 17. Zakona, ocijenilo je da se provođenjem predmetne koncentracije neće značajno povećati tržišni udio učesnika predmetne koncentracije na relevantnom tržištu trgovine na malo prehrambenim proizvodima i robom široke potrošnje u Bosni i Hercegovini i neće doći do stvaranja i jačanja njihovog dominantnog položaja.

Ovom koncentracijom privredni subjekt „Bingo“ Tuzla namjerava unaprijediti svoje poslovanje na relevantnom tržištu te proširiti svoju maloprodajnu mrežu na teritoriji Bosne i Hercegovine na kojima ne obavlja poslovne aktivnosti. Također, namjerava smanjiti troškove poslovanja što će rezultirati i pogodnostima za krajnje potrošače – kupce, te namjerava robama domaćih proizvođača proširiti asortiman u novim objektima, jer nisu bili dovoljno zastupljeni.

Konkurencijsko vijeće je pri ocjeni ove koncentracije uzelo u obzir i činjenicu da je privredni subjekt „TUŠ TRADE“ Bihać prestao sa radom u 2014. godini, te da će provođenjem iste biti ponovo otvoreni maloprodajni objekti što će povećati broj zaposlenih.

Konkurencijsko vijeće je utvrdilo da predmetna koncentracija ne sprječava, ograničava niti narušava tržišnu konkurenciju na relevantnom tržištu, te je u smislu člana 18. stav (2) tačka a) Zakona donijelo odluku kao u dispozitivu ovog Rješenja.

8. Administrativna taksa

Podnosilac prijave na ovo Rješenje, u skladu sa članom 2. Tarifni broj 107. tačka d) Odluke o visini administrativnih taksi u vezi sa procesnim radnjama pred Konkurencijskim vijećem („Službeni glasnik BiH“, br. 30/06 i 18/11) je dužan platiti administrativnu taksu u ukupnom iznosu od 2.500,00 KM u korist Budžeta institucija Bosne i Hercegovine.

9. Pouka o pravnom lijeku

Protiv ovog Rješenja nije dozvoljena žalba.

Nezadovoljna strana može pokrenuti upravni spor pred sudom Bosne i Hercegovine u roku od 30 dana od dana prijema, odnosno objave ovog Rješenja.

Predsjednica

Maida Čampara